
АҲОЛИНИ ОЗИҚ-ОВҚАТ БИЛАН ТАЪМИНЛАШ МАСАЛАЛАРИ МУҲОКАМА ҚИЛИНДИ

Президент Шавкат Мирзиёев раислигида жорий йил 31 май куни аҳолини озиқ-овқат, жумладан, чорвачилик ва паррандачилик маҳсулотлари билан узлуксиз таъминлаш чора-тадбирлари юзасидан ўтказилган видеоселектор йиғилишида берилган топшириқлар ижроси бўйича Республика ишчи гуруҳининг Фарғона вилоятида олиб борилган ўрганишлари якунига бағишланган йиғилиш бўлиб ўтди.

Вилоят ҳокимлиги мажлислар залида вилоят ҳокими Хайрулло Бозоров, Бош прокурорнинг биринчи ўринбосари Бахриддин Валиев, Ҳисоб палатаси раисининг биринчи ўринбосари Баҳодир Турабов, Иқтисодий тараққиёт ва камбағалликни қисқартириш вазирининг биринчи ўринбосари Саидқаҳҳор Холхўжаевлар, вилоят секторлари, бошқарма ва ташкилотлари, тижорат банклари раҳбарлари иштирокида ўтказилган йиғилишда озиқ-овқат узлуксизлиги ва нархлар барқарорлигини таъминлаш, парранда маҳсулотларини кўпайтириш ҳамда чорвачилик лойиҳаларини жадаллаштириш бўйича Фарғона вилояти ҳудудларидаги ўрганишлар, тадбиркорлик субъектлари вакиллари билан учрашувларида аниқланган муаммоларни бартараф этиш масалалари муҳокама қилинди.

Жорий йилда вилоят бўйича ғалла ва эртанги экинлардан бўшаган 88 минг гектарга яқин майдонга такрорий экин сифатида савза-авотлар, полиз экинлари, дуккакли ва мойли экинлар, шоли экилиши режалаштирилгани қайд этилиб, шаҳар-туманлар секторлари раҳбарлари ушбу масалага жиддий эътибор қаратиш бўйича кўрсатмалар берилди.

Ҳудудлардаги кам таъминланган аҳоли вакилларига беданалар тарқатишни кўпайтириш, одамларни яхши даромад келтирадиган бедана боқишга ўргатиш бўйича иш ташкиллаш кераклиги қайд этилди.

Йиғилишда 2022-2024 йилларда жами 11 та чорвачилик комплексларида 8400 бош насли қорамоллар парвариши йўлга қўйилиши белгилангани ҳам айтиб ўтилди.

Шунингдек, ички бозорга аҳоли учун қулай нархларда ўсимлик ёғи, гўшт, шакар олиб кириш имкониятига эга бўлган импортёрларга ҳар томонлама шароит яратиб бериш бўйича ҳудудий студиялардан қатнашган шаҳар ва туманлар ҳокимларига вазифалар белгилаб берилди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-15 11:04:33